

ԶԲԱՂՍՈՒՆԷԻ ԱՆՎԱՆՈՒՄԻՑ ՍԵՐՎԱԾ ԱԶԳԱՆՎԱՆԱԿԵՐՏ ՀԻՍՔԵՐ

Հայկական ազգանունների համակարգում մի ստվար խումբ են կազմում «զբաղմունք» իմաստով ազգանվանակերտ հիմքերը, որոնցում գերիշխում են «վաճառական» նշանակությամբ ազգանունները (շուրջ 595 ազգանուններից մոտ 257-ը), որոնք անմիջականորեն կապված լինելով ժողովրդի տնտեսական կյանքի հետ փաստում են, որ XVIII դ. վերջին և XIX դ. սկզբին Արևմտյան Հայաստանի քաղաքներում արհեստներին զուգահեռ բավականին աշխույժ բնույթ էր կրում նաև առևտուրը: Հայ խոշոր վաճառականներն առևտրական կապեր էին ստեղծում Ֆրանսիայի, Հոլանդիայի, Վենետիկի, Սնգալի, Հնդկաստանի, Ֆիլիպինյան կղզիների, Ամերիկայի և հեռավոր ռուսական քաղաքների հետ: Սիջնորդ վաճառականները (*Քաղղջյան (թրք.), Բիլազարյան (թրք.), Բլասյան (թրք.), Դալալյան/Դելալյան/Դալարյան (թրք.), Էլշաջյան (թրք.), Հաքեմյան (թրք.) «միջնորդ», Եմենթյան/Եմենջյան/Եմենիջյան (թրք.) «այլոց ապրանք վաճառող»,* հաստատվում էին Կ.Պոլսում, Ջմյուռնիայում և Տրապիզոնում: Սրանց էին միանում կարնեցի, եվդոկիացի և սեբաստացի դրամատերերը, Ակնից եկած սեղանավորները լուծայափոխները, և Կեսարիայի բազազները (*Ջարբիհանյան (թրք.) «դրամատան աշխատող», Աղջաջյան (թրք.) «մանր դրամափոխ», Բիշտեկյան (թրք.), Թեֆեջյան (թրք.), Սարաֆյան, (արաբ.) «լուծայափոխ», Բազազյան (պրսկ-թրք.) «գործվածքեղեն վաճառող», Ճանֆեսմյան (պրսկ-թրք.) «մի տեսակ գործվածք» մետաքսե դիպակ, տաֆտա վաճառող»)) և այլն:*

Վաճառականների զգալի մասը միավորվում էր էսնաֆություններում (Արևելյան Հայաստանում համբարություններ), որոնք, ըստ իրենց դրամական կարողությունների, բաժանված էին չորս խմբի սովորաբարներ, բինահդարներ, բազազներ և չարչիներ: Սովորաբարները մեծածախ առևտրով զբաղվող հարուստ վաճառականներն էին, որոնք կապված էին ոչ միայն Թուրքիայի, այլ նաև եվրոպայի և Ռուսաստանի արդյունաբերական կենտրոնների հետ՝ *Գաբամաճյան/Գափամաճյան (թրք.) «կոշիկի և հագուստի մեծածախ վաճառական», Մեքենեջյան (թրք.) «մեքենայի առևտրով զբաղվող, մեքենավար», Մուքահաջյան (թրք.) «գնորդ, մեծածախ առևտրով զբաղվող»:* Կարնեցի սովորաբարների մեջ կային նաև գորգերի մեծածախ առևտրով զբաղվողներ, որոնք Սեբաստիայից ու Կեսարիայից ներմուծում էին գեղեցիկ ձևավորված գորգեր *Քալջյան (պրսկ-թրք.) «գորգավաճառ»:* Բինահդարները մեծածախ ու մանրածախ առևտրով զբաղվող այն վաճառականներն էին, որոնք ունեին խանութներ և հիմնականում կապված էին տվյալ վայրին՝ *Վաճառականյան (հյ-), Կուպեցյան (ռուս.), Կրիշիկյան (թրք.) «վաճառական», Մախրեջյան/Մահրեջյան (թրք.) «վաճառահանող», «իրացման շուկայի վաճառող, գործակալ»:* Բազազները սեփական խանութներում իրենց իսկ արտադրանքը (հիմնականում կտորեղեն) վաճառող մանր

առևտրականներն էին, որոնք արհեստավորներից, խոշոր վաճառականներից կամ էլ քաղաքով անցնող քարավաններից գնում էին ապրանք և շրջիկ մանրավաճառների միջոցով ուղարկում գավառները, ծայրամասային գյուղերը վաճառքի **Ղաթգիմալյան/Կաթգիմալյան/Քապգիմալյան (թրք.), Ալանյան (թրք.), Ալմուխյան (թրք.), Սեթենջյան «գնորդ և վերավաճառող», Թաքաթյան (թրք.) «մի տեսակ մետաքսե գործվածք վաճառող», Թյուլպենտժյան/Թուլբենջյան (թրք.) «գործվածքի մի տեսակ՝ բառիստ վաճառող», Սոֆձյան (թրք.) «բուրդ կամ գործվածք վաճառող»:**

Ենթադրում ենք, որ սովորաբարներն ու բինահղարները հիմնականում Կարինի, Եվդոկիայի, Բիթլիսի, Սեբաստիայի, Կեսարիայի, Վանի, Մուշի և Ալեքի վաճառականներն էին, քանի որ առևտուրը գերազանցապես զարգացած էր հիշյալ քաղաքներում, և հայտնի վաճառական գերդաստանները, հարուստ առևտրականները հենց այդ քաղաքների բնակիչներն էին: Իսկ Սդերդը, Բալուն, Ղերսիմը, Չարսանջակը, մանր վաճառականներից բացի, մեծածախ առևտրով զբաղվողներ չունեին:

Ազգանունների հաջորդ խումբը իմաստաբանորեն կապվում է գյուղատնտեսական ապրանքների մշակության և վաճառքի հետ.

Արևմտյան Հայաստանի բնակչիմալական պայմանները նպաստավոր էին ընդարձակ տարածություններ մշակելու և գյուղատնտեսական կուլտուրաներ աճեցնելու համար: Գյուղատնտեսությունը բննարկվող ժամանակաշրջանում բավականին զարգացած էր և արդեն ներգրավված շուկայական հարաբերությունների մեջ՝ **Ազաթյան (թրք.) «գյուղատնտեսության բանվոր, բատրակ», Էկբաշյան (թրք.) «հողագործ, ցանող», Հիմականյան (հյ.), Կալավորյան (հյ.) «կալի աշխատող, կալատեր»:** Մշակվող հողատարածություններում ցանում էին ցորեն, գարի, կանեփ, բամբակ և այլ կուլտուրաներ, աճեցնում միրգ ու հատապտուղ:

Հացահատիկի մշակությամբ զբաղվող շրջանները հարբերդը, Չարսանձազը, Ղերջանը, Ամասիան և Ալաշկերտը, հացահատիկ էին արտահանում Արաբկիր, Ղերսիմ, Զրդի, Սասուն, Բաֆրա, Չարշամբա և սեծովյան նավահանգիստներ, Վանի ու Բիթլիսի նահանգների անասնապահական շրջաններ՝ **Բլդուրջյան/Բուլգուրյան (թրք.) «ծավար պատրաստող և վաճառող», Բուդդաթյան (թրք.) «ցորենավաճառ», Գիլաճյան (թրք.) «սորուն նյութեր (օր.՝ ցորեն, գարի) վաճառող»:**

Տեխնիկական կուլտուրաների, առավելապես կանեփի, բամբակի ու ծխախոտի մշակությունն ու վաճառքը ևս զարգացած էին Արևմտյան Հայաստանում: Կանեփը հումք էր հանդիսանում կանեփաթելի և հաշիշի (հաշիշ ստանում էին հնդկական կանեփից) արտադրության համար: Վերջինիս մշակությամբ, առք ու վաճառքով աչքի էին ընկնում հարբերդի ու Մալաթիայի գավառները **Բենջիրջյան (թրք.) «կանեփի առևտրով զբաղվող», Բենկչյան (թրք.) «հաշիշագործ – վաճառ»:**

Բամբակագործության ասպարեզում մասնագիտացել էին հարբերդը, Մալաթիան, Կիլիկիան և Սղանան: հարբերդում արտադրված բամբակը մեծ համբավ էր վայելում Սեբաստիայի, Կարինի, Ղիարբեքի, Բիթլիսի, Հալեպի և Արաբկիրի շուկաներում: Այս վայրերից բացի, հարբերդի բամբակը ուղարկ-

վում էր Կարնո, Բաղեշի, Դիարբեքիի նահանգներ և երկրի այլ շրջաններ: Մալաթիայի ու Կիլիկիայի բամբակի մեծ մասը արտահանվում էր Եվրոպա, իսկ Ադանայի բամբակը սնում էր Ֆրանսիական տեքստիլ արդյունաբերությունը **Բամբուկյան/Բամբուկեձյան/Բամպուրեձյան (թրք.)**, **Փամբուխյան/Փամբուդյան/Փամբուկյան/Փամբուրյան/Փամբուրջյան/Փափուխյան (թրք.)**, **Կազակյան (թրք.)**, **Կոզակ-Չարութունյան (թրք.)**, **Կոզակյան (թրք.) «բամբակավաճառ»:**

Ծխախոտագործությունը նկատելի չափով զարգանում էր 19-րդ դարի 60–70–ական թթ.: Սակայն 1883 թ. ֆրանսիական «Ռեմի» ծխախոտի ընկերությունն իր ձեռքը վերցրեց ամբողջ թուրքիայի, այդ թվում նաև Արևմտյան Հայաստանի ծխախոտի առևտուրը: Մուշի հոգևոր առաջնորդ Բաբկեն վարդապետն այդ մասին գրում էր. «Ռեմին» ալ ուրիշ պատուհաս մը եղած է խեղճ գյուղացիներուն: Պաշտոնյաներն այժմ իսլամներն են. ատոնք մեծ քանակությամբ ծխախոտի ծրարներ կը տամեն կը թողուն գյուղերը և փոխարեն դրամ կստանան: Ծխող և ոչ ծխող ամեն ոք պարտավոր է գնել և դրամը տալ. այս բռնությունը միայն հայ գյուղերուն համար կըլլա, և այսպես ամեն շաբաթ մեն մի գյուղե 50–150 և ավել դրամ կը գանձեն»¹:

Զնայած թուրք պաշտոնյաների հարուցած այս և ուրիշ խոչընդոտներին՝ ծխախոտի վաճառքը շարունակվում էր հայերի կողմից, հատկապես Վանի նահանգի Գավաշ, Ջուլամերկ, Բեղեշաբաբ, Ոստան գավառներում, Շամդինանում և արտահանվում Անդրկովկաս **Տաբաշնիկյանց (ռուս.) «ծխախոտագործ – վաճառ»**, **Մերուրնության (վրաց.) «քթախոտ, բուռնութի պատրաստող»**, **Թուրունջյան (թրք.) «ծխախոտագործ, – վաճառ»:**

Բանջարաբուստամային կուլտուրաների մշակությամբ և վաճառքով առանձնանում էին Կարինի, Երզնկայի և Վանի գավառները, ինչպես նաև Խարբերդի դաշտն և Ալաշկերտի հովիտը: Խարբերդի դաշտում հայտնի էր Քեսերիկ գյուղը, որի բնակիչները բանջարեղենով հագեցնում էին Խարբերդի և Սեզիրեի շուկաները: Ալաշկերտի հովիտում այս զբաղմունքով աչքի էին ընկնում հատկապես Խաստուրա, Կարաքիլիսե և Մոլլա–Սուլեյման գյուղերը, որոնք վաճառում էին կանաչեղեն **Բեստանջյան (թրք.)/Բոստանջյան, Զավգավաթձյան/Զարգավաթձյան (թրք.) «բանջարեղեն մշակող և վաճառող»**, սխտոր **Սխտորյան (հյ.)**, ճակնդեղ **(Բանջարջյան/Փանջարջյան (թրք.) «ճակնդեղագործ, – վաճառ»**, դդում, դդմիկ **(Գաբախյան/Կաբակչյան (թրք.) «դդում, դդմիկ աճեցնող, վաճառող»**), շաղգամ **Շախկամյան/Շաղգամյան (թրք.) «շաղգամ աճեցնող և վաճառող»**, բակլա **(Բակլայան/Բակլավաջյան/Բակլաջյան/Բակլատյան (թրք.) «բակլայի, լոբազգիների մշակությամբ ու առևտրով զբաղվող»**), ձմերուկ **Գարբիսկանջյան/Գարբուզյան (թրք.) «ձմերուկ աճեցնող և վաճառող»**), սեխ **(Գավունկյան/Գավունջյան (թրք.) «սեխ (նաև դդում) աճեցնող և վաճառող»** և այլ մթերքներ: Երկրի մյուս շրջաններում, մասնավորապես Բալուում, բանջարեղենի արտադրությունը չուներ ապրանքային բնույթ. հիմնականում բավարարում էր սեփական կարիքները:

¹ Դրոշակ. 1901, թիվ 1, էջ 26:

Արևմտյան Հայաստանում երկրագործության կարևոր ճյուղ էր այգեգործությունը, որի արդյունքները՝ հատապտուղները (*Չիլեբյան (թրք.) «գետնամորի ամեցնող և վաճառող», Գիզմեբյան (թրք.) «կիտրոնավաճառ», Լիմոնճյան (թրք.) «լիմոն ամեցնող և վաճառող»*) ու մրգերը թարմ կամ չորացրած (*Թովանջյան/Թրֆանջյան/Թուրֆանջյան (թրք.) «վաղահաս միրգ և բանջարեղեն ամեցնող և վաճառող», Նուբարավաճառյան (հյ.)*), ներգրավված լինելով շուկայական հարաբերությունների մեջ, արտահանվում էին երկրի լեռնային շրջաններ ու Անդրկովկաս։ Մի շարք գյուղերում խաղողի և մյուս պտղատու այգիները կազմում էին բնակիչների ապրուստի գլխավոր աղբյուրներից մեկը։ Այգեգործությամբ աչքի էին ընկնում Կարինի, Վանի, Բիթլիսի և Դիարբեքիի նահանգները։ Արտամետի ու Վանի Այգեստան թաղամասում աճում էին տանձի և խնձորի ամենատարբեր տեսակները։ Խարբեղոյի նահանգի խարբեղոյի և Սպաթիայի գավառներում աճեցնում էին թուփ, մըլըմըլ՝ փոքր, բայց համեղ ծիրան՝ *Ջերդեյան- (պրսկ.-թրք.) «ծիրանի առևտրով զբաղվող»*, տանձ (*Արմուբյան (թրք.) «տանձավաճառ»*), խնձոր *խնձորյան (հյ.)*, *Յարուկյան (ռուս.) «խնձորի առևտրով զբաղվող գերդաստան»*, էլմաբյան/Ալմաբյան (*թրք.) «խնձորավաճառ»*), խոշորահատ խաղող *Բախլեյան/Բախլեյանյան/Բախլեբյան (թրք.)*, *Բաղմանյան/Բաղմաբյան (թրք.)*, *Պազբյան (թրք.)*, *Գերմեբյան (արաբ.-թրք.) «այգեգործ, խաղողագործ»*, սերկևիլ՝ *Այվաբյան (թրք.) «միրգ, հատկապես սերկևիլ վաճառող»*, պիստակ (*Ֆարգճյան (պրսկ.-թրք.)*, *Ֆեստեբյան (թրք.) «պիստակ ամեցնող և վաճառող»*), իսկ Եվրոկիայի բնակչությունը, բոլոր տեսակի մրգերից բացի, նաև ծիրապտուղ *Ջեթուճյան (արաբ.-թրք.) «ծիրապտուղ, գեթուն ամեցնող և վաճառող»*։

Բազմատեսակ մրգերի, քաղցրահամ պտուղների արտահանման մեջ առաջին տեղը զբաղեցնում էր թուզը *Խնքիդյան (թրք.) «թուզ և թգի չիր պատրաստող և վաճառող»*։

Բիթլիսի նահանգում այգեգործությամբ զբաղվում էին Բերվարի, Խարզանի և Շիրվանի կազաներում։ Այստեղ աճում էր խաղողի «այնպիսի քաղցր տեսակ, որ շաքարի պատվում կրնար դիպչել»²։ Եվ այս ամենի բարձր որակն ու խնամքն ապահովում էին հմուտ այգեպանները *Պարտիզպանյան (հյ.)*, *Բախլաբյան (թրք.)*, *Համամյան/Համամբյան (թրք.) «այգեգործ, այգեպան»*։

Հողագործության զարգացման համար բացառիկ կարևորություն ուներ արհեստական ոռոգումը։ Ջրօգտագործումը կանոնավորելու համար նշանակվում էին հատուկ աշխատողներ *Ջրբաշխյան, Իսկաբյան (թրք.)*, *Սաքսիմաբյան (թրք.) «ջրվոր, ջրբաշխ»*։

Առանձին խումբ են կազմում անասնապահությամբ զբաղվողների անուններից սերված ազգանունները, որոնք փորձում ենք ներկայացնել իմաստային մի շարք ենթախմբերով, քանի որ կան անասնապահ, անասունների վաճառքով զբաղվող, անասնապահության արդյունքները վաճառող և այլ նման հիմքերով ազգանուններ։

² Մ. Միրահորեան, Ակարգարկան ուղեւորութիւն ի հայաբնակ գաւառս Արեւելեան Տաճկաստանի, Կ.Պոլիս, 1884, մաս Ա, էջ 63։

Շուկայական հարաբերությունների մեջ էին ներգրավված ոչ միայն խոշոր ու մանր եղջերավոր անասունները, այլև անասնապահության արդյունքները: Անասնապահությամբ զբաղվում էին Նորդուգում, Խոշաբում, Աղբակում, Սոկսում, Արծեշում, Խիզանում, Սասունում, Բուլանքխում, Դերսիմում և Բյուրականի (Բինգյուլի) արոտավայրերում: Բինգյուլյան շրջանը խաշնարածության համար համարվում էր լեռնադրախտ իր արոտավայրերով հովասուն խոտատեղիներով, իսկ Գրիգորիոպոլի անասնավաճառները հիմնականում եգ ու ծի էին վաճառում, անգամ ունեին ձիաբուծարան *Աթրաշյան, Միրախորյան (թրք.) «ձիապան», «ընտիր ձիավոր»:*

Անասունների առջ ու վաճառքով զբաղվում էին հիմնականում Վանի, Բիքլիսի, Էրզրումի և Դիարբեքիի նահանգներում: Մուշի և Սասունի գավառներից մեծ քանակությամբ անասուններ էին արտահանվում Զալեպ, Պամասկոս, Ուրֆա, Երուսաղեմ և Կ.Պոլիս *Ջեյբյան (թրք.) «անասնավաճառ», Իխլիջյան (թրք.) «ընտանի կենդանիների առևտրով զբաղվող»,* որոնց խնամքով զբաղվում էին նախարապանները, հովիվներն ու խաշնարածները՝ *(Տավարածյան (իյ.), Խայնուրյան (թրք.), Գուտմերյան (թրք.), Ինեկյան (թրք.) «տավարած», Դովիվյան (իյ.), Անչեյան (թրք.) «կաթնասունների ծագերով՝ հորթերով, գառներով զբաղվող», Դավառյան (թրք.), Կուզբաշյան/Կուզուբաշյան (թրք.) «գառնարած», «գառնավաճառ», Դանիջյան (թրք.) «հորթարած», Գավչյան/Գավչյան/Գեջյան (թրք.) «ցուլապահ, եզապահ», Գյուղեյեկյան (թրք.) «գրաստ, կով, ոչխար բշտող», Դուղերյան (թրք.) «եզապան, իշապան», Դավլաշյան (արաբ.-թրք.) «ախոռապան»:*

Ներքին ու արտաքին շուկայում լայն սպառման ապրանքներ էին համարվում յուղն ու պանիրը, որոնք արտահանվում էին Կ.Պոլիս, թուրքիայի այլ քաղաքներ և Ռուսաստան *Յախշյան/Յաղշյան/Յաղշյան (թրք.) «յուղագործ, -վաճառ», Ջեյթյան/Ջեյիթյան (արաբ.-թրք.) «յուղ, հատկապես հալած, պարաստող և վաճառող», Բենդիրճյան (պրսկ.-թրք.) «պանրագործ»:* Կաթնամթերքներից ապրանքային բնույթ էր ստացել կաթի, մածնի, թանի ու կաթնաշոռի սպառումը, որոնց համարժեք ունենք հետևյալ ազգանունները՝ *Դաթմանյան (թրք.), Շորջյան (պրսկ.-թրք.), Սյուտճյան/Սութջյան (թրք.) «կաթնավաճառ», Յողուրթյան (թրք.), Մաժունյան (արաբ.-թրք.) «մածունագործ, -վաճառ», Այրանջյան (թրք.) «թանկավաճառ», Լորջյան (թրք.) «կաթնաշոռ, լոռ պատրաստող և վաճառող»:*

Ձկնորսությունն ու ձկնարդյունաբերությունը արևմտահայ մարդու և հայկական որոշ գաղութների տնտեսության կարևոր ճյուղերից մեկն է եղել: Այդ մասին են վկայում համապատասխան իմաստով հետևյալ ազգանունները՝ *Ձկնորսյան (իյ.), Ավիյան (թրք.), Բալախյան/Բալդյան/Պալխյան/Պալդճյան (թրք.), Բալեկյան/Բալիկյան (թրք.), Թոռչանյան/Թոռչյան (թրք.), Թորաջյան/Թորջյան/Թուրաջյան (թրք.) «ցանցագործ, ցանցով ձուկ որսացող, վաճառող», Շիբարյան (պրսկ.-թրք.) «որսորդ, ձկնորս», Դոլրաջյան (թրք.) «կաթր, ձկնորսական սարք պատրաստող»:* Զայ վաճառականները վաթմակալում էին ձկնորսության իրավունք և Վանա լճից մեծ քանակությամբ տառեխ որսալով՝ վաճառում (թարմ, աղ դրած կամ ապխտած) երկրի ներսում, արտահանում Ռուսաստան, անգամ Եվրոպա, իսկ հայկական

գաղթօջախներից հատկապես աչքի էին ընկնում Գրիգորիտայրի հայ ձկնորս-վաճառականները:

Նավավարությամբ և սրա հետ կապված մյուս աշխատանքներով նույնպես զբաղվում էին արևմտահայերը. որոնք, բնականաբար, կենտրոնացած էին ծովամերձ քաղաքներում և հատկապես Կ.Պոլսում, Վանա լճի շրջակա բնակավայրերում *Գայրգյան (թրք.)*, *Թագակյան (թրք.)* «*նավավար*», *Գիջիրիկյան (թրք.)* «*գետանցող կամ ջրային այլ տարածք նավով անցկացնող, նավավար*», *Կամրաստյան (թրք.)* «*նավը դիմավորող*», «*գուցե նավահանգստի բանվոր*», *Կեզիկտոնյան (թրք.)* «*նավը ջուրը իջեցնող*», *Համուքյան (թրք.)* «*թիավար*», *Չիմչիյան (թրք.)* «*նավահանգստի ճուպանը կապող կամ արծակող*», *Սալանձյան (թրք.)* «*լաստ, լաստանավ բանեցնող*»:

Իմաստային հաջորդ խումբը կապվում է մեղվաբուծության հետ: Արևմտյան Հայաստանի լեռնային, անտառաշատ գյուղերում այն բարձրապարանքային բնույթ էր ստացել և իբրև գյուղատնտեսության մյուս՝ զբաղվում էր մեղրատու մեղուների բուծմամբ՝ մեղր, մեղրամոմ, ակնամոմ, մեղվակաթ, ծաղկափոշի և այլն ստանալու համար:

Խարբերդի նահանգից արտասահման արտահանվող ապրանքներից մեկն էլ մեղրամոմն էր: Համարժեք հիմքերով մոտ տասներեք ազգանունները *Ճանճապանյան (հյ.)*, *Բալչյան/Պալչյան (թրք.)*, *Կովանյան (թրք.)*, *Սահլեբջյան (արաբ.-թրք.)* «*մեղվաբույծ, - վաճառ*», *Արաքայան/Արեքյան/Արդյան/Արիջյան (թրք.)* «*մեղվապահ*», *Գոմյան (թրք.)* «*մեղրահաց պատրաստող*», *Սուզմեյան (թրք.)* «*օշարակ, մեղր քամող*» և այլն, մեղվապահ մաճկալներին Վարազա վանքի վանական տնտեսությունից տրված աշխատավարձի (600 ղուրուշ) վերաբերյալ տվյալները՝ ևս փաստում են, որ, իրոք, հայ գյուղացին հիմնավորապես զբաղվել է այդ աշխատանքով:

Երկրագործության ու անասնապահության արդյունքների փոխադրումը ղծվարանում էր երկաթգծի և բարեկարգ ճանապարհների բացակայության պատճառով, որը իրականացվում էր գրաստների *Բարգեշյան (թրք.)* «*գրաստ, բեռնակիր կենդանի բանեցնող*», հնամյա սայլերի միջոցով *Աբուլլյան/Աբուլյան/Աբուշյան (ռուս.)* «*սայլախմբի, գումակի սայլապան*», *Ֆուրդունջյան (ռուս.)* «*բեռնասայլ բանեցնող*», *Ջախջախյան (թրք.)* «*քառանիվ սայլ*», «*ծեռնասայլակ բանեցնող*», *Սերկեպյան (թրք.)* «*իշատեր, իշասայլ բանեցնող*»: Բացի այդ, մի բնակավայրից մյուսը ապրանք տեղափոխելու համար մարդիկ ստիպված էին լինում սպասել ուղեկիցների, կառքերի ու վարձու ձիերի *Կաովարենց (հյ.)*, *Արապանյան/Արապաքյան/Արաբաքյան (թրք.)*, *Զոչաշյան (թրք.)*, *Ֆայտոնյան (թրք.)* «*կառավար, կառավար*», *Ջունդանյան (արաբ.-թրք.)* «*վարձ ձիավոր*», *Պեյ-կիրձյան (թրք.)* «*վարձով ձի տրամադրող*»:

XIX դ. վերջին տասնամյակներին վաշխառությունը տարածված էր Արևմտյան Հայաստանում, մասնավորապես Տարոնում և Վասպուրականում: Գյուղացիները պետական հարկերը վճարելու նպատակով վաշխառուներից *Թավաջյան (թրք.)* «*վաշխառու*», *Կարզանյան (թրք.)*, *Դարգիմալյան*

¹ Ա. Համբարյան, Արևմտյան Հայաստանի տնտեսությունը 1856–1914 թթ., Երևան, էջ 121.

(թրք.), **Գուրամաքյան (արաբ-թրք.) «վարկատու, պարտատեր»**, վերցնում էին փող կամ գյուղատնտեսական մթերքներ և վճարել չկարողանալու դեպքում կամ դառնում էին վաշխառուների (ի դեպ, նրանց մեծ մասը հայեր էին) շահագործման հիմնական աշխատուժը, կամ էլ տանում էին գյուղացիների կանանց ու աղքիկներին:

Հայերը, ներկագործական ու անասնապահական աշխատանքներից զատ, զբաղվում էին նաեւ գյուղատնտեսական մթերքներից պատրաստի սննդանյութեր վերամշակելով: Ժողովրդի բարձր կուլտուրան իր արտահայտությունն էր գտնում նաև յուրօրինակ առանձնահատկություններով սննդակարգի մեջ, որը խոսում է մեր ժողովրդի խոհարարական արվեստի մասին: **Հետևաբար, պատահական չէ Պոփարյան (ռուս.), Սիջյան/Սչիչյան/Սչիչյանց/Սսջյան (թրք.), Տաբաթյան/Տաբուրյան (թրք.) «խոհարար»** իմաստով ազգանունների առկայությունը:

Կենդանական մթերքներից առավել գործածական էր ոչխարի ու տավարի միսը, որից պատրաստվում էին զանազան ուտեստներ **Բուդուչյան (թրք.), Փաշալյան (թրք.) «ոչխարի տոտիկներից կերակուր պատրաստող և վաճառող», Յայնուլյան (թրք.) «մի տեսակ կերակուր՝ յահնի պատրաստող», Բելլեմյան (պոսկ-թրք.) «գլխուղեղ (ոչխարի) պատրաստող և վաճառող»**: Հայկական խոհանոցում առանձնապես ընդունված էին աղացած կամ ձեռած մսով կերակուրները՝ կոլոլակի զանազան տեսակները **Բուֆթեշյան (թրք.) «բուֆթա պատրաստող և վաճառող»**: Հայերն ընդհանրապես միս, ծուկ և թռչուն ապխտելու մեծ վարպետ էին, սակայն իրենց բարձրորակ արտադրանքով հատկապես աչքի էին ընկնում Կարինում կառուցված ապխտի ձեռնարկությունները **Իսլեմեշյան (թրք.) «ապխտող, ապխտած սննդամթերք վաճառող», Կակաշյան (թրք.) «ապխտած մթերք (միս) պատրաստող և վաճառող», Բաստրմաքյան (թրք.) «ապխտած միս, բաստուրմա պատրաստող և վաճառող»**:

Որպես սառը կերակրատեսակ՝ մատուցվում էր թթու դրած կանաչեղեն՝ **Թուրշուդյան/Թուրշյան (թրք.) «թթու դնող և վաճառող»**:

Բազմազան մթերքներից պատրաստվող ճաշատեսակները, խորտիկները՝ **Մազեշյան (թրք.) «խորտիկներ պատրաստող և վաճառող»**, համեմվում էին ամոքային, կծու համեմունքներով, սև և կարմիր պղպեղով ու քացախով՝ **Սոմաքյան (թրք.) «աղտոր, կոծոխտոր, սումախ պատրաստող և վաճառող», Ջեմեմեշյան/Չեմեմեշյան (թրք.) «չաման պատրաստող և վաճառող», Բիբերեշյան/Պեպերեշյան (թրք.) «աղացած տաքեղ պատրաստող և վաճառող», Թոզյան (թրք.) «փոշի անող (օր.՝ տաքեղեղի, հաշիշի), վաճառող», Կադեկյան (թրք.) «համեմունքի գործով զբաղվող, վաճառող», Սիրեկեշյան/Սիրկեշյան/Սիրքեմյան (թրք.) «քացախավաճառ»**: Հետաքրքիր է, որ ճաշարաններում, խորտկարաններում կերակուրներին համեմունք ավելացնողներն ու որակին հետևողները հաճախ ոչ թե խոհարարներն էին, այլ առանձին աշխատողներ **Համտեսյան (իլ.), Գադակյան/Ղադակյան (թրք.) «համեմող, մամեմունք ավելացնող», Թեքիյան (թրք.) «կերակրի համտես անող, որակին հետևող»**:

Մի շարք ազգանվանական հիմքերի իմաստներից ելնելով՝ կարող ենք ասել,

որ մեր ազգային խոհանոցին հատուկ է եղել նաև հրուշակագործությունը՝ թխվածքների ու քաղցրավենիքների պատրաստումը *Բակլավայան (թրք.) «մեղրով և ընկույզով թխվածք՝ փախլավա պատրաստող և վաճառող», Պաստաճյան/Բաստաճյան (թրք.) «հրուշակագործ, – վաճառ», Տոնտուրմաճյան/Պոնդուրմաճյան (թրք.) «պաղպաղակագործ, – վաճառ»:*

Ազգանունների հաջորդ խումբը կապվում է հացագործության հետ, որը գալիս է վաղնջական ժամանակներից: Հմտացած հացթուխները, միություն կազմելով, թոնիրներում ու փռերում թխում էին տարբեր տեսակի ու որակի հաց՝ լավաշ, շավր կամ շոթ («շոթի» ձևով այս հացատեսակը պահպանվել է վրացիների մոտ), մատնաքաշ, սոմա, քաթայիֆ և այլն: Այն արտադրվում էր ոչ միայն օտար վաճառականների, ճամփորդների, այլև տեղական բնակչության համար *Հացագործյան, Հացբանյան, Հացպանյան (հյ.), Խլեբնիկյան (ռուս.), Մեպուրնյան (վրգ.) «հացագործ», Թանդրյան (թրք.) «թոնիր պատրաստող», «թոնրով հաց թխող», Փրիինջյան/Փրինջյան (թրք.), Ֆոնջյան/Ֆոնոնջյան/Ֆոանջյան (թրք.) «փուռ բանեցնող, փոփ տեր», «հացթուխ», Աբմաքչյան/Էքմեքճյան/Էքմեքչյան/Էքմեքյան (թրք.) «հացագործ, հացթուխ», Բողդոջյան (թրք.) «հացթուխ, կարկանդակագործ, –վաճառ», Դելչեմեճյան (թրք.), Համուրջյան (թրք.) «խմոր հունցող, հացթուխի օգնական», Չորաքչյան/Չորեքչյան (թրք.) «հացթուխ, –վաճառ»:* Կ.Պոլսի, Տրապիզոնի, Ջնյունիայի և այլ բնակավայրերի հացագործների եւնաֆուլիանների վիճակն անմխիթար էր, քանի որ կառավարությունը պարտադրում էր իր կանոնները, գնացուցակը և բարձր հարկաչափը: Դրանից բացի, հայ աշխատավորությունը զրկվում էր խաս–էքմեք և ֆուրլա կոչվող հաց գործածելու հնարավորությունից և իրավունքից:

Արևմտյան Հայաստանի որոշ շրջաններ աչքի էին ընկնում ոգելից խմիչքների արտադրությամբ: Այսպես 1860–ական թվականներից սկսած՝ մի շարք քաղաքներում և գյուղերում գործում էին օղեթորման ու գինեգործական բավականին կատարելագործված ձեռնարկություններ խաբեբերում ու Բալուում, մասնավորապես Մարգաթ ու Կարաչո նահիեներում, Վանի նահանգի մի քանի գյուղերում, հատկապես Շաղբաղինում արտադրում էին «ամենապատուական գինի, որ համբավ ունի ի Վան–Տոսպ, որպես Պորտույինն՝ ի Ֆրանսիա»⁴ և արտահանում երկրի տարբեր շրջաններ: Քաղաքների շուկաներում ու այլ վայրերում կառուցված գինետներում էլ հաջողությամբ վաճառվում էր մեծ քանակությամբ գինի՝ *Մառանջյան (հյ–թրք.), «մառանի, գինետան տեր, աշխատող», Գինադարյան (հյ–պրսկ.) «գինու պահեստապետ», Բողբումյան (թրք.), «մառանի, գինետան տեր կամ աշխատող», Մեյխանաճյան (թրք.) «գինետան տեր, գինեվաճառ», Պոթրումյան/Փոթրումյան, Շիրախանջյան (թրք.) «գինի քամելու մառանի տեր», «գինեվաճառ», Շիրալյան (թրք.) «մաճառ վաճառող», Մեյմաճյան (թրք.) «գինու մի տեսակ վաճառող»:* XIX դ. 20–ական թվականներին հայ վարպետները հայկական գաղթօջախներում (Նոր Նախիջևան, Դրիմ) ևս հռչակված էին օղու և գինու արտադրության բնագավառում *Գինեգործյան (հյ.), Գինեպանյան (հյ.), Պու-*

⁴ Ա. Միրախոնեան, Աշխ., մասն Բ, էջ 249:

լաճյան/Բուլաջյան «թեթև ոգելից խմիչք պատրաստող և վաճառող», Շարաբյան/Շարաբաբյան (թրք.), Մեյքյան (թրք.) «գինեգործ, -վաճառ», Գյաթրոյան (թրք.) «կաթիլ-կաթիլ ստացող», «օղի թորող», Ռազդյան/Ռակչյան/Ռահջյան (թրք.) «օղեգործ», «հարբեցող»:

Ենթադրում ենք, որ հայերը զբաղվել են նաև զարեթրի արտադրությամբ՝ տվյալ դեպքում որպես հումք օգտագործելով կորեկը **Բուլաբոյան (թրք.) «կորեկից խմիչք պատրաստող»:**

Ընդունված է եղել նաև ոչ ոգելից խմիչքների՝ հյութի և սուրճի պատրաստումն ու վաճառքը, որոնց համապատասխան ազգանվանակերտ հիմքերով ներկայացնում ենք հետևյալ ազգանունները՝ **Շարբաթյան (թրք.), Շիրիծյան (պրսկ.-թրք.) «օշարակագործ», Շիրակչյան/Շիրիկչյան (թրք.) «քաղցր քուր վաճառող», Շոռայան (թրք.) «խաղողի հյութ պատրաստող», Սրճարարյան (հյ.), Գայֆաջյան/Ղայֆաջյան/Ղայֆեճյան (թրք.), Կահվերջյան/Կայֆեջյան/Քահվեջյան (թրք.), «սուրճ պատրաստող»:**

Ջրաղմունքի այլ տեսակների անվանումներ ևս ազգանվանակերտության հիմք են հանդիսացել: Այս դեպքում յուրաքանչյուր զբաղմունքի համար ունենք սակավաթիվ ազգանուններ (հաճախ մեկ ազգանուն) և զբաղմունքի այդ տեսակները հայ մարդու տնտեսական կյանքում էական դեր չեն խաղացել: Այդ իսկ պատճառով առանձին մեկնաբանություններ չենք տալիս նրանց իմաստներին. **Դիվանչյան (թրք.) «գրասենյակի աշխատող», Էմանեթճյան (թրք.) «առաքիչ, ապրանքի պահպանումն ու առաքումը հանձն առնող», Թասկիրյան (թրք.) «սանիտար», Ինմեյան (թրք.) «իրը ի պահ վերցնող», «պահասենյակ ունեցող», Ղայրոյան (արաբ.-թրք.) «բարեգործ», Ղունդակչյան (թրք.) «փաթեթավորող», Ղամինյան (արաբ.-թրք.), Խարչաֆյան (թրք.) «ծախսարար, մատակարար», Եշյան/Եշիկյան (թրք.) «զույգով աշխատող», Էնչիաջյան (թրք.) «համատեղ աշխատող», Դեզերմենյան/Դեզերմեյան (թրք.), Դեյերճյան (թրք.), Թահմինյան (թրք.) «գին որոշող, գնահատող», Ածերյան (արաբ.-թրք.), Գրաբյան/Ջրաբյան (թրք.) «վարձով տվող», Յաղլիջյան (թրք.) «վարձով շոր տվող», Աբլորյան (հյ.), Կուդբազյան (թրք.) «աբաղաղ խաղացնող, աբաղաղամարտով զբաղվող», Բուբուդյան (թրք.) «մուխաղերի, մասնավորապես զառերով խաղի սիրահար», Ջումարոյան (թրք.) «մուխաղով, թղթախաղով զբաղվող», Բարխանաբյան (թրք.), Խանջյան (թրք.) «իջևանատեր», Օղաբաշյան/Օթաբաշյան/Աղաբաշյան/Օղաբաշյան/Օղյան/Օթյան (թրք.) «հյուրանոցի տեր, հյուրանոցի աշխատող»:**

Ամփոփելով վերը շարադրվածը՝ գալիս ենք այն եզրակացության, որ այս իմաստային դաշտում գերակշռում են վաճառականների, երկրագործությամբ և անասնապահությամբ զբաղվողների, ուտեստներ, ոգելից խմիչքներ և օշարակներ պատրաստողների, նավավարների և սալապականների անուններից սերված ազգանվանական հիմքերը, որոնք հաստատում են հայ մարդու՝ այդ ոլորտներում գործունե մասնակցություն ունենալը:

⁵ Ի դեպ, հայերն իրենք կին կառուցում իրենց իջևանատներն ու հյուրանոցները առևտրական հարաբերություններով պայմանավորված:

А. Бархударян

ОСНОВЫ ФАМИЛИЙ, МОТИВИРОВАННЫХ СУЩЕСТВИТЕЛЬНЫМИ СО ЗНАЧЕНИЕМ РОДА ДЕЯТЕЛЬНОСТИ

Статья посвящена анализу мотивирующих основ фамилий со значением рода деятельности человека. Проведенные исследования свидетельствуют о том, что в этом семантическом поле преобладают фамилии, образованные от слов со значением торговли, земледелия, животноводства, а также производителя продуктов питания, напитков, сладостей и пр. Данные языковые наблюдения подтверждают факты активного участия армян в указанных сферах деятельности человека.

H. Barkhoudarian

SURNAMEBUILDING STEMS COMING OF OCCUPATION

The article touches upon some issues concerning surnamebuilding stems coming of people's occupation. As a result of our investigation we found out that such stems were originally in close connection with names of people having certain occupation mainly in the field of trade (merchants, cooks, etc.), as well as in agriculture (farmers, peasants, cattle-breeders, etc.). This fact really asserts Armenians' active participation in the mentioned spheres.